



Edificio di ARA awor un

Propiedad di Monumenten Fonds

DEN cuadro di e restauracion di diferente edificio monumental, Minister di Cultura, Otmar Oduber a anuncia cu pronto edificio di Algemene Rekenkamer Aruba lo cuminsa su fase di restauracion. E mandatario a indica cu despues di hopi disputa tocante e edificio di

ARA, cu antestabata Biblioteca, finalmente despues di 7 pa 8 aña di discucion lo yega na beurt pa wordo restaura.

Oficialmente e edificio di ARA awor ta un propiedad di Monumenten Fonds y e aña aki e lo haya e oportunidad pa mehoracion

di su condicion. Den cuadro di e maneho nobo di cultura lo sigura pa documenta historia di loke ta nos monumentonan y esaki lo ta bisto tambe mirando e hecho cu e monumentonan lo ta mas visibel den comunidad.

E mandatario a indica cu Ministerio di Cultura hunto

cu Monumenten Fonds a stipula un lista di prioridad p'asina aki mantene nos herencia monumental bibo y presente. Sr. Roly Sintiago a gradici e mandatario y Gobierno p'e confianza cu ta wordo brinda na Monumenten Fonds p'e preservacion di e monumentonan. E mandatario

a gradici tur instancia cu di un forma of otro ta coopera y sostiene e proyectonan di restauracion y mantencion di nos monumentonan mirando cu esaki ta un elemento cu Aruba ta rico na dje y herencia cultural ta un atraccion hopi importante pa industria di turismo.